

庶物類纂

蟲屬
自五十八至五十九

容

太政官文庫			
特別	和	書	門
三三六二	第	五	番
函	號	類	
四六五	册	架	

内閣文庫	
番號	和 32362
册數	465 (368)
函號	附 54 1

百台
共四十六



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak








庶物類纂蟲屬卷之五十八目次
蟲



庶物類纂
卷五十八

蟲屬目次




蠶

蠶屬

蠶

一



蠱蟲

中蠱令人心腹切痛如有物啣或吐下血不即療之
 食人五藏則死矣欲知蠱與非當令病人唾水中沉
 者是浮者非小品姚並同晉葛洪肘後備急方
 嶺表山川盤鬱氣聚不易踈洩故多嵐霧作瘴人感
 之多病臙脹成蠱俗傳有睥百蟲為蠱以毒人蓋濕
 熱之地毒蟲生之非茅嶺表之家性慘害也唐劉恂嶺表錄異
 新州郡境有藥土人呼為吉財解諸毒及蠱神用無

蘇勸類集卷五十一

蟲屬

蠱蟲

比昔有人嘗至雷州途中遇毒面貌頗異自謂即斃必吉財數寸飲之一吐而愈俗云昔人有遇毒其奴吉財得是藥因以奴名名之實草根也類芍藥遇毒者夜中潛取二三寸或剉或磨少加甘草詰且煎飲之得吐即愈俗傳將服是藥不欲顯言故云潛取而不詳其故或云昔有里媪病蠱其子為小胥邑宰命以吉財飲之暮乃具藥及旦其母謂曰吾夢人告我若飲是且死亟去之即仆於地其子又告縣尹縣尹固令飲之果愈豈中蠱者亦有神若二豎哉

唐房千里投荒

雜錄

機謹按太平廣記同

病源凡蠱毒有數種皆是變惑之氣人有故造作之多取蠱蛇之類以器皿盛貯任其自相啖食唯有一物獨在者即謂之為蠱便能變惑隨逐酒食為人患禍患禍於他則蠱主吉利所以不羈之徒而畜事之又有飛蠱去來無由漸狀如鬼氣者得之卒重凡中蠱病多趨於死以其毒害勢甚故云蠱毒著蠱毒面青黃者是蛇蠱其脉洪壯病發之時腹內熱悶脅

支滿舌本脹強不喜言語身體常痛又心腹如似蟲
行顏色赤唇口乾燥經年不治肝膈爛而死其面色
赤黃者是蜴蜥蠱其脉浮滑而短病發之時腰背微
滿手脚脣口悉皆習習而喉脉急舌上生瘡二百日
不治嗽人心肝盡爛下膿血羸瘦顏色枯黑而死其
面色青白又云其脉沉濡病發之時咽喉塞不欲聞
人語腹內鳴喚或上或下天陰雨轉劇皮內如蟲行
手脚煩熱嗜醋食效唾膿血顏色乍白乍青腹內脹
滿狀若蝦蟇若成蟲吐出成科斗形是蝦蟇蠱經年

不治嗽人脾胃盡脣口裂而死其脉緩而散者病發
之時身體乍冷乍熱手脚煩疼無時節吐逆小便赤
黃腹內悶胃痛顏色多青毒或吐出似蠅娘有足翅
是蠅娘蠱經年不治嗽人血脉枯盡而死欲知是蠱
與非當令病人唾水內沉者是蠱浮者非蠱又云且
起取井花水未食前當令病人唾水內唾如桂脚直
下沉者是蠱毒沉散不至下者草毒又云含大豆若
是蠱豆脹皮脫若非蠱豆不爛脫又云以鵝皮置病
人卧下勿令病人知若病劇者是蠱也又云取新生

蟲屬 蠱蟲

雞子煮熟去皮留黃白令完全日晚口含以齒微啣勿令破作兩炊時夜吐瓦上著霜露內且看大青是蠱毒也昔有人食新變鱧魚中毒病心腹痛心下鞭發熱煩冤欲得水洗沃身體搖動如魚得水狀有人診云是蠱其家云從無此毒不作蠱治遂死其湯熨鍼石別有正方補養宣導今附於後養生方導引法云兩手著頭相叉坐地緩舒兩脚以兩手從外抱膝中痛低頭入膝間兩手交叉頭十二通愈蠱毒及三尸毒腰中大氣又云常度日月星辰清淨以雞鳴安

身卧漱口三咽之調五藏殺蠱蟲令人長生治心腹病又云治百病邪蠱當正卧閉目閉氣內視丹田以鼻徐徐內氣令腹極滿徐徐以口吐之勿令有聲令入多出少以微為故存視五藏各如其形色又存胃中令鮮明潔白如素為之倦極汗出乃止以粉粉身摩持形體汗不出而倦者亦可止明日復為之又當存作大雷電光走入腹中為之不止病自除唐王燾外臺秘要史記曰江充見上年老恐晏駕後為太子所誅因奏

上言曰疾祟在巫蠱以充為使者治巫蠱充將胡巫掘地求木偶至遂掘得蠱於太子宮得桐木太子懼不能自明充自臨斬之

宋書曰文帝時使宮內皆蠱欲以諷厲天下有女巫嚴道育夫為劫坐沒入煖宮元凶邵姊東陽公主應問婢王鸚鵡自公主嚴道育通靈主乃白上託云善蠶求召入道育云所奉天神當賜符應時主夕卧見流光相隨狀如螢火遂入巾箱化為雙圓青可愛於是主及劭並信感之始與王濬素佞事劭並多過失

慮上知使道育祈請欲令過不上聞歌舞呪詛不捨晝夜道育輒云自上天陳請必不泄露劭等敬事號曰天師後遂巫蠱刻玉為上形象埋於含章殿前初東陽公主有奴陳天興鸚鵡養以為子而興之淫通鸚鵡天興及寧州所獻黃門慶國並以巫蠱事劭以天興補隊主東陽主薨鸚鵡嫁吳興沈懷遠為妾鸚鵡既適懷遠盧興天興私通事泄請劭殺之劭密使人害天興既而慶國謂往來唯有二人天興既盧將見及乃以白上上驚惋即收鸚鵡家得劭濬手書皆

咒詛巫蠱之言得所埋上形像於宮內道育叛亡捕之不得上詰責劭濬劭濬唯陳謝而已道育變服為兒逃匿東宮濬往京口又以自隨或出止親人張旻家後濬當鎮江陵復載道育還東宮欲將西上有告上云京口張旻家有一尼服食出入征北內似嚴道育上使掩得二婢云道育隨征北還都上惆悵驚惋劭殺逆後李武平亂不見傳國璽問劭云在嚴道育處就取得之道育鸚鵡並都街鞭殺於石頭四望山焚其尸揚灰于江

隋書曰秦王俊好內妃崔氏性妬甚不平之遂於瓜中進毒俊由是遇疾篤舍銀銀色異為遇蠱未能遣使奉表陳謝帝責以失德堯帝哭之數聲而已曰晉王前送一鹿我令作脯擬賜秦王亡可置之靈前心已許之不可虧信帝及后行視見大蜘蛛大球蝮從柩頭出之不見窮之知妃所為也

搜神記曰鄱趙壽有犬蠱有陳岑詣壽忽有大黃犬六七群出吠岑後余相伯歸與壽婦食吐血幾死乃屑桔梗以飲之乃愈

機謹按搜神記鄱下有陽有陳岑作時陳岑

兩京記曰楊素有美妾姿色絕倫時有千牛桑和有
蠱異術常云一見婦人便即能致煬帝嘗密使人竊
之素宅深邃和朝奉詔其夜便竊以匿煬帝奇其能
便詔素賜之

隨潛續搜神記曰曇遊道人清苦沙門也剡縣有一
家事蠱人噉其食飲無不吐血死遊詣之主人下食
遊依常咒願一雙蜈蚣長尺餘便於盤中跳走遊快
飲食安然無他

以上太平御覽

榮陽郡有一家姓廖累世為蠱以此致富後取新婦
不以此語之曾遇家人咸出唯此婦守舍忽見屋中
有大缸婦試發之見有大蛇婦乃作湯灌殺之及家
人歸婦某白某事舉家驚惋未幾其家疾疫死亡略
盡又有沙門曇遊行清苦時刻縣有一家事蠱人
噉其食飲無不吐血而死曇遊曾詣之主人不食遊
便咒焉見一雙蜈蚣長尺餘千盤中走出遊因飽食
而歸竟無他

出靈鬼志及搜神記○太平廣記

福建諸州大抵皆有蠱毒而福之古田長溪為最其

種有四一曰地蠱二曰金蠱三曰蜈蚣蠱四曰蝦
蟨蠱皆能變化隱見不常皆有雌雄其交合皆有定
日近者數月遠者二年至期主家備禮迎降設盆水
于前雌雄遂出干水中交則毒浮其上乃以針眼刺
取必於是日毒一人蓋陰陽化生之氣納諸人腹而
托以孕育越宿則不能生故當日客至不暇恤親戚
宗室必施之凡飲食藥餌皆可入特不置熱羹中過
熱則消爛或無外人至則推本家一人兼之藥初入
腹若無所覺積久則蠱生藉人氣血以活益久則滋

長迺食五臟曉夕痛楚不可忍惟啜百沸湯可暫息
須臾甚則叫呼宛轉已刮床席臨絕之日眼耳鼻口
涌出蟲數百形狀如一漬於水暴乾久而得水復活
人魂為祟所拘不能托化翻受軀役於家如虎食俵
鬼然死者之尸雖火化而心肺獨存殆若蜂窠淳熙
二年古田人林紹先母黃氏遭毒垂盡其家人曰若
是中蠱當燒床簣照之必能自言黃氏遂云某羊某
月日為黃谷妻賴氏於其物內用其所事之神見在
谷房裡厨中紹先即告集都保入谷家開厨得銀珂

領子五色線環玦及小木棋子兩面書五逆五順四字盛以七孔合又針兩包各五十枚而十一枚無眼率非尋常人家所用物既告官捕谷鞠訊則佯死釋之則蘇類有鬼相助會替余請為主簿府帖委治此獄其奸態如在縣時請無以為懼其幸免不勝憤訶係于庭下礪又斷其首貯以竹籃持詣府自効府師陳魏公具以狀具詔提點刑獄謝師稷究實謝與丞尉親到谷家一蜈蚣甚大出現謝曰此明證也攝賴氏還司自臨考之三日獄具亦論死所謂順逆棋子


者降蠱之時所用以下也得順者客當之逆者家當之針之無眼者以眼兼藥既用則去之蓋所殺十一人矣五色線凡蠱喜食錦錦不可得乃以此代其銀珂領者欲嫁禍移諸他處真道傍冀見者取之也谷之罪惡上通於天余請為民去一凶士大夫作詩歌者甚衆嘉祐中范兵部師道為福州守日揭一方於石云凡中蠱毒無論年代遠近但煮一雞卵插銀釵於內併含之約一食頃取視釵卵俱黑即中毒也其方用五倍子二兩硫黃末一錢甘草三寸一羊炮

出火毒一半生丁香木香麝香各十文輕粉三文糯
 米二十粒共八味入小沙瓶內水十分煎取其七候
 藥面生皺皮為熟絹濾去滓通口服病人平正仰卧
 令頭高覺腹間有物衝心者三即不得動若吐出以
 桶盛之如魚鰓之類乃是惡物吐罷飲茶一盞瀉亦
 無妨旋煮白粥補忌生冷油膩酢醬十日後復服解
 毒丸三兩丸又經旬日平復予所載黃谷事孫摻又
 以此方來示故併錄之丁木射三香之價嘉時十文
 以今言之須數倍乃可耳


宋洪邁分類夷堅志

廢物類纂蟲屬卷之五十九目次

蟲



虫盤



虫屬

虫盤

蟲蟲

福州古田村民夏夜已寢夢一異人來謂曰汝且暴
得遺寶便可致富見在門外宜急起收取稍遲怕落
他人手可惜也民素貧甚既覺即起出果得一朱紅
小合正當行路捧歸開見有金數兩銀二錠未敢輒
取置于神堂卓上自守宿其側且而驗之皆真物也
不勝喜愜率妻子拜而受賜俄見巨蛇蟠於前十數
匝高與卓齊民知為畜蠱家移禍然不可復於是致
禱願盡心敬事蛇遂隱時時化為他蟲或吐涎沫民


固耳聞鄉井姻戚談說大槩乃貯藏之家施毒於積
 歲所殺不少貨業日盛後為彼毒者所告官捕係勘
 鞠家人皆當死而值紹興五年七月霈一切得減
 氏身配海外子配廣南押過贛州子病死於道店蔣
 丞張忠順檢尸防卒出示元犯由吳載本末今不能
 憶其姓名也。宋洪邁分類彙編漳州一士人負氣壯猛謂天下無可畏之事人自怯
 耳每恨無鬼神干我以試其勇嘗同數友出次村落
 見精帛包物地上皆莫敢正視士獨笑曰吾正貧何
 得不取對衆啓之於數匹緇內貯白金三大筋更一

蟲如蝦蟇祝之曰汝蠱毒自去吾所欲者銀絹爾既
 持歸家人皆大哭曰禍至無日矣士曰吾自當之不
 以累汝是夜升榻有二青蟇大如周歲兒先据席上
 士正念無以侑酒運椎敲殺之家人又哭士欣然割
 而煮食乃就寢醉境晏然明夜又有蟇十餘小於前
 復烹之又明夜出二十枚夕夕增多而益以減小最
 後遂滿屋充塞不可勝食至暮工埋于野膽氣益振
 一月後乃絕士笑曰蠱毒之靈止于是乎妻請多買
 刺蝟防蟇出則必搜喙士曰我即刺蝟也尚何求哉

其家竟亦安恬識者美之黃齋賢所傳。同上

福建諸州大抵皆有蠱毒而福之古田長溪為最其種有四一曰地蠱二曰金蠱三曰蜈蚣蠱四曰蝦蟇蠱皆能變化隱見不常皆有雌雄其交合皆有定日近者數月遠者三年至期主家備禮迎降設盆水于前雌雄遂出于水中交則獨浮其上乃以針眼刺取必於是日毒一人蓋陰陽化生之氣納諸人腹中托以孕育越宿則不能生故當日客至不暇恤其親戚宗室必施之凡飲食藥餌皆可入特不置熱羹中

遇熱則消爛或無外人至則推本家一人兼之藥初入腹若無所覺積久則蠱生藉人氣血以活益久則滋長迺食五臟曉夕痛楚不可忍惟啜百沸湯可暫息須臾甚則叫呼宛轉已刮床席臨絕之日眼耳鼻口涌出蟲數百形狀如一漬於水暴乾久而得水復活人魂為祟所拘不能托化翻受驅役於家如虎食俵鬼然死者之尸雖火化而心肺獨存殆若蜂窠淳熙二年古田人林紹先母黃氏遭毒垂盡遂云某年若是中蠱當燒床簣照之必能自言黃氏遂云某年



某月日為黃谷妻賴氏於某物內用其所事之神見在谷房裡厨中紹先即告集都保入谷家開厨得銀珂領子五色線環玦及小木棋子兩面書五逆五順四字盛以七孔合又針兩包各五十枚而十一枚無眼率非尋常人家所用物既告官捕谷鞠訊則佯死釋之則蘇類有鬼相助會誓余靖為主簿府帖委治此獄其奸態如在縣時靖無以為計懼其幸免不勝憤訶係于庭下礪又斷其首貯以竹籃持詣府自効府帥陳魏公具以狀具詔提點刑獄謝師稷究實謝

與丞尉親到谷家一蜈蚣甚大出現謝曰此明證也攝賴氏還司自臨考之三日獄具亦論死所謂順逆棋子者降蠱之時所用以下也得順者客當之逆者家當之針之無眼者以眼承藥既用則去之蓋所殺十一人矣五色線凡蠱喜食錦錦不可得乃以此代其銀珂領者欲嫁禍移諸他處真道傍冀見者取之也谷之罪惡上通于天余靖為民去一凶士大夫作詩歌者甚衆嘉祐中范兵部師道為福州守日揭一方千石云凡中蠱毒無論年代遠近但煮一雞卵挿

銀釵於內併含之約一食頃取視釵印俱黑即中毒也其方用五倍子二兩礞黃末一錢甘草三寸一火炮出火毒一半生丁香木香麝香各十文輕粉三文糯米二十粒共八味入小砂瓶內水十分煎取其七候藥面生皺皮為熟絹濾去滓通口腹病人平正仰卧令頭高覺腹間有物衝心者三即不得動若吐出以桶盛之如魚鱗之類乃是惡物吐罷飲茶一盞瀉亦無妨旋煮白粥補忌生冷油膩酢醬十日後復服解毒丸三兩丸又經旬日平復

宋楊拙閣海蠱毒記

蠱蟲敗鼓皮注陶云服敗鼓皮即喚蠱主姓名按古人愚質造蠱圖富皆取百蟲甕中盛經年間開之必有一蟲盡食諸蟲即此名為蠱能隱形似鬼神與人作禍然終是蟲鬼咬人至死者或從人諸竅中出信候取之曝乾有患蠱人燒為黑灰服少許立愈亦是其類自相伏耳新注云凡蠱蟲療蠱是知蠱名即可治之如蛇蠱用蜈蚣蠱蟲蜈蚣蠱用蝦蟇蠱蟲蝦蟇蠱病復用蛇蠱蟲是牙相能伏者可取治之

宋唐慎微證類

草本

機謹按牙疑互字之誤也

造蠱者以百蟲真血中俾相啖食取其存者為蠱故
字從蟲從皿皿器也按蠱毒不一皆是變亂元氣多
因飲食行之與人為患則蠱主吉利所以小人因而
造之南方又有蜥蜴蠱蜈蚣蠱馬蝗蠱金蠶蠱草蠱
桃生蠱等毒諸方大有主治之方不悉紀明李東璧
本草綱目
階書志云江南之地多蠱以五月五日聚百種蟲大
者至蛇小者至蟲合置器中令自相啖因食入人腹
內食其五臟死則其產移蠱主之家若盈月不殺人

則畜者自踵其害累世相傳不絕自侯景之亂殺戮
殆盡蠱家多絕既無主人故飛遊道路之中則殞焉
今此俗移於滇中每遇亥夜則蟲飛出飲水其光如
星鮑照詩所謂吹蠱痛行暉也予親見之明楊升
菴文集
蠱毒在上則服升麻吐之在腹則鬱金下之或合升
麻鬱金服之不吐則下宋李巽巖侍郎燾為雷州推
官鞠獄得此方活人甚多見范石湖集成都楊慎
堽戶錄
獐人五嶺以南皆有之與搖雜處風俗畧同而生理
一切陋簡冬編鵝毛雜木葉為衣搏飯掬水而食居

室茅緝而不塗，衡板為閣，上以棲，止下畜牛羊猪犬。謂之麻欄，善為毒，天射人物中者焦，沸若炙，肌骨立盡。雖猛人亦重畏之，不敢忤視。又善為蠱毒，五月五日聚百蠱于一器，令自啖食，存者留之，持以中人，無不死者。又為飛蠱，一曰桃生，一曰金蠶，皆鬼屬而毒人事之，可以驟富害人者。類于飲食內之，令人心腹絞痛，面目青黃，吐水而脉沉，舍黑豆脹而皮脫，嚼之不腥，易以白礬其甘，若錫治之，以歸魂，散雄珠丸在胃，隔則服升麻，吐之在腹，則服鬱金，下之聚而成村。

者為崗，推其首長曰崗官。崗官之家婚姻以豪汰，相高塔米就親，女家於五里外結草屋與居，謂之入寮。兩家各以鼓樂迎男女，至寮盛兵為備，小有言則兵刃相接。成婚後妻之媵婢，迂意塔即手殺之，自入寮能多殺媵婢，則妻黨畏之，否則謂之懦。半羊而後歸夫家，人遠出而歸者，止于三十里外家，遣巫提竹籃送，脫歸人貼身衣貯之籃，以前導還家，言為行人收。竟歸也，親始死披髮持餅，壅慟哭水濱，擲銅錢紙錢於水，汲歸浴屍，謂之買水。否則隣里以為不孝。

錢唐田汝

成炎徵

紀聞

謹按舍黑豆當作舍黑豆

太祖乾德二年徙永州諸縣民之畜蠱者三百二十

六家于縣之僻處不得復齒於鄉宋史○集

種人善為蠱毒五月五日聚百蟲于一器令自啖食

存者留之持以中人無不死者又為飛蠱一曰桃生

一曰金蠱皆鬼屬而毒人事之可以驟富凡下蠱之

家必潔淨無塵有覺之者為女字生則其蠱不靈方

食時每竊少許袖之密埋于十字街則蠱神反為其

家崇矣村長曰尚官尚官家以豪汰相尚塔來就親

女家于五里外結草屋以居謂之入寮兩家各以鼓

樂導男女至寮盛兵為備小有言即相殺成婚後妻

之媵婢迂意塔手刃之多殺者妻黨畏之半年而後

歸夫家人遠歸者止三十里外家遣平提竹籃逐脫

其裡衣貯之籃于前導還家若為之收魂也親死披

髮持瓶盞慟哭水濱投銅錢紙錢于水及歸浴屍謂

之買水否則以為不孝明陳仁錫潛確居類書

凡見門限屋梁潔淨無塵其家有蠱如不得已而吃

其飲食初下筋時收藏一序在手儘吃不妨却將此片埋于人行十字路口則于本家作鬧主必來求物在胸中急食并麻吐之在腹急服鬱金下之明陳三農澄治

大還慶曆七年蔡正言襄為閩漕日禁絕甚嚴凡破數百家自後稍息八年仁宗閱福建奏獄多以蠱毒殺人者福州醫士林士元能以藥下遂詔錄其方又令太醫集法方之能治蠱毒者為一編命參知政事杜履為序頒之嘉祐六年范兵部師道乃牒諸縣各以其

方雕版揭於縣門今碑猶存云准知府兵部牒嘉祐六年十一月立牌應中蠱毒不拘年代遠近先煮雞子一枚將銀釵一雙及熟雞子內口含之待一飯久取出釵及雞子俱黑色是中毒也可用下方五倍子三兩木香丁香各十文甘草三寸一半炮出火毒一半生用糯米二十粒輕粉三分硫黃末一錢重麝香一十文右八味入小沙瓶內用水十分同煎七分候藥面上生皴皮是藥熟用絹濾去滓取七分小梳通口服須平旦仰卧令頭高其藥須三度上來鬪心即

不得動如吐出用桶盛如魚肝類乃是惡物吐後用藥一盞止如瀉亦不妨瀉後服後藥解毒丸三二丸補之更服和氣湯散十餘日平復解毒丸者如人中毒十月以前則此藥可療五倍子半斤甌中蒸炮令熟丁香三兩焙黃焦色預知子半斤一半蒸令熟一半炮令黃色木香三兩一半炮令黃色一半焙過麝香三文甘草二兩一半焙黃色一半生用水銀粉一五子朱砂一兩細研為衣右件搗羅為細末用陳米爛飯為丸如彈子大用藥時研令細同酒一盞煎溫

服紹興二年秋連江古田民有查伍等蓄蠱殺人其家來訴張參政守為帥依條斷遣仍榜十二縣委保正副結五家為保互相覺察知而不糾其罪與均仍頒勅令賞格散榜要處

三山志

巖俗多訟蠱按蠱蟲北地所無獨西南方與閩廣滇貴關中延綏臨洮多有之中其毒者絞通吐逆十指俱黑嚼豆不腥含礬不苦是其驗也其毒遠發一載近發一時初覺尚可用甘草綠豆諸藥解之及真麻油吐之三月後不可為也又有金蠶毒川邛多有之

食以蜀錦其色如金取其糞置飲食中毒人必死能
圖他人財物故祀之者多致富說海載福清有訟金
蠶毒者取二刺蝟取之立得一云香狸肉治毒尤驗
煮食之毒蟲即下而愈又楊升菴集載雷州李官鞠
獄得治蠱法毒在上者用升麻吐之毒在下者用鬱
金下之備載于此使世知治蠱之方

漳州府志



一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

